

112 年全國語文競賽原住民族語朗讀 【大武魯凱語】 高中學生組 編號 3 號

bangabangale

madalamaku ki bangabangale, asi luyaa ngwalai ki bulaneini taka
puliyaneyini, lucela matiya kikathalrai tuhamuhu ki umase. ikai ki ububula,
wacelaku ku ea ka cebe ka bangabangale, ku tatuhananeyini, eaea matisepele
ikai ububula. la ahakayaku ikai alrimali palalrange pilutu si iluku putauwana
iniya.

kudra pau kalrivilili kadalame ki bangabangale, twa alainga sa
kitulalakaku ikai. sa bilrilanenga la ikainga ku tangu dadethaneli ku
talrailragi ka kacalrisiya, la thingalenganaku, kai bangabangale
kahananelringa ki Ngudradrekai. kai Ngudradrekai ku taikaiyanelini, yakai
Takau ka Maulring Guu si swa Akau ka swa Vudavudai, la ikaiyana ku
yakai Tatu ka suta Humake. kai Ngudradrekai masasya talraki masasatalu
ikai babakaca ka daedae, amani ku kadadalamenga ki Twaumase ki
lrgelrege.

ikai ki tamacapicapila ki Ngudradrekai, ku langu umaumase kadrua ka
ai maka dulru cwacapange sibengelrai ki bangabangale, lu ikai ku tapa
sikaiya ki cekele, si ani palrainga ki mahudrange ki cekele, ai maka dulru ki
patahumaha ku pakalrevaini ka eaea ka bangabangale. lakuni, ikai ki

tinukucingalra ka kakuakudha si tatulrasisisiya, ku hahukudra ki labaibai lu
ahumudrua kakalra, ku tathana ku bangabangale miyalri ka makucingalre
tuhamuhu, asiluiya kwani amani ku tapa tuthingala ku takiusakena ka
sudaedalepenga ka zikange.

kudra lrigu ki bangabangale, ikai ki kidremedreme ki Ngudradrekai,
sika yakai ku pahamiya inya ku matiyasamali ku pathaheva. la tuhanavaku
pulringau, ikai ki kidremedremeli kai bangabangale ku tapaukalrivilaneli
kadalame, kadrua ka amani ku takasepelaneyini ikai ububula si kathaa.

ku matisamalia ikai babakaca, lu kidremedremaku kudra lamyaki
Twaumase ka umase, sa ikai ki baiyu si maubububu kivaevaevange idra
zikange, enaini iniyaini ka amalranga idra salredredreke ki bangabangale si
icecelrenge ka sapaivai ki becenge, patupapalra ku acilai ki drakehale
pasilange pau aludru pakela ki cekele ki Ngudradrekai? lakuni kai
bangabangale la amaninga kudra apakihamava ku bulaa ku matiusakena ka
bengelrai, kai becenge la amaninga ku tinukucingalra ka akanea, lu kaisu
amani kudra tinukucingalra ka badhabadha kadruasu ka ai tutuatuma nau
palalava sibengelrai nau palalava kwane miya.

百合花

喜歡百合花潔白的樣子，看起來惹人愛憐。百合白色花瓣，孤零零的在風中，在綠色的野草中，忍不住用手撫著，和它說貼心話；我們從來摘回家，大地才是最自然的家。

想起它在野地裡的情形，想它為什麼總是一株？想它早上迎著晨曦，淚水在第一道陽光中閃閃發光的模樣，心中萬般不捨。

百合花是魯凱族的族花，魯凱族人分布在高雄縣的茂林鄉和屏東縣的霧台鄉，是山神的子民。

魯凱族的社會，不可隨便配戴百合花，對族有貢獻，經長老同意，才會賞賜一朵百合花；傳統慶典裡，百合花的朵數是顯現尊貴的機會。

大自然的萬般神奇，都在花朵中出現，畫家無法調出花卉的天然色彩，更何況是栩栩如生的花朵！只要有土地的地方，天然花草都會帶給我們莫大的歡喜！

當年神仙在出雲山的大湖潑水取樂時，是不是已把百合的花籽和黑殼的小米，隨著溪水流到魯凱族人的家園？百合成了神聖的族花，而小米也成為十分珍貴的食物。